

ხელშეკრულება №48 სახელმწიფო შესყიდვის შესახებ

ქ. თბილისი

7 აგვისტო 2012 წ.

ერთის მხრივ ს.ს.ი.პ. „დაცული ტერიტორიების სააგენტო“ (შემდგომში – „შემსყიდველი“), წარმოდგენილი მისი თავმჯდომარის გიორგი შონვაძის სახით და მეორეს მხრივ, შ.პ.ს „თეგეტა მოტორსი“ (შემდგომში – „მიმწოდებელი“), წარმოდგენილი მისი გენერალური დირექტორის გიორგი მშვილდაძის სახით ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია „მიმწოდებლის“ მიერ „შემსყიდველის“ ტექნიკური მომსახურების (სერვისი - სათადარიგო ნაწილები) უზრუნველყოფა „შემსყიდველის“ მოთხოვნის შესაბამისად (CPV50100000 – სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებები);

1.2 მისაწოდებელი საქონლისა და მომსახურების რაოდენობა, ერთეულის ფასი და საერთო ღირებულება განისაზღვრება ხელშეკრულების დანართი №1-ის შესაბამისად რომელიც წარმოადგენს წინამდებარე ხელშეკრულების განუყოფელ ნაწილს.

1.3 შესყიდვა ხორციელდება სახელმწიფო შესყიდვების შესახებ საქართველოს კანონის მე-10¹ მუხლის მე-3 პუნქტის თ-ქვეპუნქტისა და საქართველოს მთავრობის 2011 წლის 21 იანვრის №26 დადგენილების საფუძველზე გამარტივებული შესყიდვის საშუალებით;

1.4 შესყიდვა ხორციელდება ს.ს.ი.პ. „დაცული ტერიტორიების სააგენტო“-ს იმერეთის მღვიმეების დაცული ტერიტორიების ადმინისტრაციაზე დამატებული ავტომანქანის (MITSUBISHI L-200 სახელმწიფო ნომერი XZX-880) საჭიროებისათვის 2012 წლის სახელმწიფო ბიუჯეტის ასიგნებების ფარგლებში.

2. ხელშეკრულების ღირებულება

2.1. ხელშეკრულების ღირებულება განისაზღვრება ლარებში;

2.2. მთლიანი სახელშეკრულებო თანხა მიმწოდებლისათვის საქართველოს კანონმდებლობით დადგენილი ყველა გადასახადის გათვალისწინებით შეადგენს 65,50 (სამოცდახუთი) ლარს და 50 თეთრს.

3. მომსახურების გაწევის პირობები, ადგილი და ვადა

3.1. „მიმწოდებელმა“ უნდა უზრუნველყოს „შემსყიდველის“ ავტოსატრანსპორტო საშუალების რიგგარეშე, ოპერატიული პროფილაქტიკური მომსახურება „დამკვეთის“ მოთხოვნის შესაბამისად შემსყიდველის სიტყვიერი ან/და წერილობითი მოთხოვნიდან 2 კალენდარული დღის განმავლობაში;

3.2. „მიმწოდებელი“ „შემსყიდველს“ მომსახურებას გაუწევს მის კუთვნილ სერვის ცენტრში შემდეგ მისამართზე: ქ. თბილისი, დ. აღმაშენებლის ხეივანი, მე-12 კილომეტრი №5;

4. შესყიდვის ობიექტის მიღება-ჩაბარების წესი

- 4.1. მიღება-ჩაბარება ხორციელდება გაწეული მომსახურების შესაბამისად;
- 4.2. მიღება-ჩაბარების აქტს „შემსყიდველის“ მხრიდან ხელს აწერენ სსიპ „დაცული ტერიტორიების სააგენტოს“ ეკონომიკური სამსახურის თანამშრომლები, ხოლო „მიმწოდებლის“ მხრიდან მის მიერ უფლებამოსილი პირი.

5. მომსახურების ხარისხი

- 5.1. „მიმწოდებელი“ იძლევა გარანტიას, რომ მის მიერ გაწეული მომსახურება იქნება ხარისხიანი და სწორი ექსპლუატაციის პირობებში არ გამოავლენს დეფექტს;
- 5.2. „მიმწოდებლის“ გარანტია შესრულებულ სამუშაოებზე ან/და გამოცვლილ და შეკეთებულ სათადარიგო ნაწილებზე მოქმედებს მიღება-ჩაბარების აქტის ხელმოწერიდან არანაკლებ 6 (ექვსი) თვის განმავლობაში;
- 5.3. თუ საგარანტიო პერიოდში აღმოჩნდება დეფექტები, რომლებიც გამორიცხავენ ავტომანქანის გამოყენებას დანიშნულებისამებრ, „მიმწოდებელი“ ვალდებულია „შემსყიდველისგან“ შეტყობინების მიღებიდან 10 დღეში გამოასწოროს დეფექტი ან შეცვალოს დეფექტური ნაწილი, ან დაუბრუნოს „შემსყიდველს“ გადახდილი თანხა;
- 5.4. გარანტია არ ვრცელდება „დამკვეთის“ მიერ ავტომანქანის ექსპლუატაციის წესების დარღვევის და გარეგანი ზემოქმედების შედეგად მიყენებულ ზიანზე.
- 5.5. ხელშეკრულების პირობების ინსპექტირებას განახორციელებს .ს.ი.პ. „დაცული ტერიტორიების სააგენტო“-ს ეკონომიკური სამსახურის თანამშრომლები.

6. ანგარიშსწორება

- 6.1. ანგარიშსწორება „შემსრულებელთან“ ხორციელდება ლარებში.
- 6.2. ანგარიშსწორება განხორციელდება მიღება ჩაბარების აქტის გაფორმებისა და მიმწოდებლის მიერ წარმოდგენილი სასაქონლო ან/და საგადასახადო ანგარიშვაქტურის საფუძველზე, მათი წარმოდგენიდან 10 დღის განმავლობაში;
- 6.3. ანგარიშსწორება განხორციელდება „შემსრულებლის“ საბანკო რეკვიზიტებზე.

7. მხარეთა ვალდებულებები

- 7.1. „მიმწოდებელი“ ვალდებულია:
 - 7.1.1. მიაწოდოს „შემსყიდველს“ სრულყოფილი და დროული მომსახურება;
 - 7.1.2. „შემსყიდველს“ გაუწიოს მომსახურება ხელშეკრულების პირობების შესაბამისად და უზრუნველყოს თანმხლები დოკუმენტაციის წარმოდგენა;
 - 7.1.3. უზრუნველყოს ხარვეზების აღმოფხვრა (მისი არსებობის შემთხვევაში);
 - 7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
 - 7.1.5. დროულად განიხილოს „შემსყიდველის“ მხრიდან წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7 - 

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მხრიდან წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7.2.3. დაიცვას ხელშეკრულებით გათვალისწინებული ყველა პირობა;

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება;

8.2. „შემსყიდველს“ უფლება აქვს:

8.2.1. თავისი ვალდებულების შესასრულებლად თავისივე ხარჯით საქმეში ჩართოს როგორც თავისი წარმომადგენლები, ასევე მესამე პირები;

8.2.2. განაცხადოს უარი უხარისხო მომსახურების მიღებაზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და სხვა;

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას ისეთი ალტერნატიულ ხერხებით, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობებისა და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების

- გამოც წარმოიშვა ხელშეკრულების პირობების შეცვლის აუცილებლობა;
- 10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში;
- 10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობით გაზრდა;
- 10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

- 11.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;
- 11.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

12. ხელშეკრულების შესრულების შეფერხება

- 12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

- 13.1. იმ შემთხვევაში, თუ „მიმწოდებლის“ მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი ხარისხის და ოდენობის მომსახურების მიწოდება, მას დაეკისრება პირგასამტეხლო ხელშეკრულების ღირებულების 0.1 %-ის ოდენობით ყოველ ვადაგადაცილებულ დღეზე;
- 13.2. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური ღირებულება გადააჭარბებს ხელშეკრულების ღირებულების 1 %-ს, მეორე მხარეს უფლება აქვს შეწყვიტოს ხელშეკრულება;
- 13.3. „დამკვეთის“ მხრიდან 5 პუნქტით გათვალისწინებული ანგარიშსწორების ვადების დარღვევის შემთხვევაში „დამკვეთს“ „შემსრულებლის“ სასარგებლოდ დაეკისრება

პირგასამტეხლო ხელშეკრულების დირეზულების 0.1 %-ის ოდენობით ყოველ ვადაგადაცილებულ დღეზე.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) კალენდარული დღის განმავლობაში;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელმოწერისთანავე და მოქმედებს 2012 წლის 1 სექტემბრის ჩათვლით.

16. განსაკუთრებული პირობები

16.1. არც ერთ მხარეს არა აქვს უფლება გადასცეს მესამე მხარეს თავისი უფლებები და მოვალეობები, მეორე მხარის წერილობითი თანხმობის გარეშე;

16.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.3. ხელშეკრულება შედგენილია ორ ეგზემპლარად და თითოეულ მათგანს აქვს თანაბარი იურიდიული ძალა;

16.4. ხელშეკრულების თითო ეგზემპლარი ინახება მხარეებთან.

„დამკვეთი“

„შემსრულებელი“

ს.ს.ი.პ. „დაცული ტერიტორიების სააგენტო“

ქ. თბილისი, გულუას ქ. №6

ტელ: 2752352

ს/კ: 204911337

სახელმწიფო საზინა

სახაზინო კოდი: 220101222

ა/ა №200122900

შ.პ.ს. „თეგეტა მოტორსი“

ქ. თბილისი, აღმაშენებლის ხ. მე-12კ. №5

ტელ: 2244444

ს/კ: 202177205

ს.ს. „თი ბი სი“ ბანკის. ც/ფ.

ბანკის კოდი: 220101830

ა/ა №GE80TB0600000024467853

გიორგი შონვაძე


სააგენტოს თავმჯდომარე

გიორგი მშვილდაძე
გენერალური დირექტორი

სახელმწიფო შესყიდვის შესახებ 2012 წლის 9 აგვისტოს №48 ხელშეკრულების დანართი №1

| № | ავტომანქანა | საქონლის დასახელება | საქონლის რაოდენობა | ერთეულის ფასი (ლარი) | მომსახურების დასახელება | მომსახურების ღირებულება | საერთო ფასი (ლარი) |
|------|------------------------|---------------------|--------------------|----------------------|-------------------------|-------------------------|--------------------|
| 1 | მიცუბიში L-200 XZX-880 | საწვავის ფილტრი | 1 ცალი | 20 | შეცვლა | 10 | 30 |
| 2 | | ჰაერის ფილტრი | 1 ცალი | 23 | შეცვლა | 5 | 28 |
| 3 | | სამუხრუჭე სითხე | 1 ცალი | 7.5 | შეცვლა | - | 7.5 |
| ჯამი | | | | 50.5 ლარი | | 15 ლარი | სულ 65.5 ლარი |


„შემსყიდველი“



 გიორგი შონავაძე

 სააგენტოს თავმჯდომარე

„მიმწოდებელი“



 გიორგი მშვილდაძე

 გენერალური დირექტორი